

4 *Selenen.*) Alii Helenam vocant, vti Epiphanius & Irenæus & Theodoretus, quæ sit ea ipsa propter quam Troianum bellum susceptum est: & ouis illa perdita propter quam quærendam è cælo descendisset immutata Dei forma, ne ab Angelis qui cuique cælo præfunt, agnosceretur. Ita os impudens sacro Christi dicto abutebatur, quod est Matth. 15. & 18. versu 12. Consentit cum Augustino Eusebius lib. 2. cap. 12. Histor. & quum locum ex Irenæo transcripserit, apparet apud Eusebium mendum esse, & pro Selenam, Helenam reponendum. Sed facile fuit ex Ἑλένη imperito scribæ facere Σελήνη, & postea σελιώνη. Fuit autem ista Tyrium scortum quod è telonio abs se abductum habuit in deliciis Simon Magus, quam vt omnibus commendaret, vti suam Ageriam Numa Pompilius, deam & Spiritum sanctum, & ἐννοϊαν diuinam appellabat, & esse affirmabat: ex qua Angelos procrearet, adeò nihil est frontis in tam miseris hominibus, quos semel Satan inani gloriæ & lucri cupiditate etiam in media Ecclesia fascinauit.

CAP. II.

Menandriani cur sic dicti. Erroris autem caput vnum recitarum.

M

Enandriani à Menandro: etiam ipso mago discipulo eius qui mundum asserbat non à Deo, sed ab Angelis factum.

1. *Menandro.*) Controuersa quæstio est inter Chronologos, vtri priores vixerint & innotuerint